



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Prima Duo Sæcula Complectens

Fleury, Claude

August. Vind. [u.a.], 1758

VD18 13322648

§. 36. S. Clemens Alexandrinus.

[urn:nbn:de:hbz:466:1-66002](https://nbn-resolving.org/urn:nbn:de:hbz:466:1-66002)

scripserant materia. Heraclitus in Apostolum fuerat commentatus. Maximus celeberrimam illam quæstionem de origine mali lucubraverat, probans materiam non esse æternam. Sextus opus de resurrectione concinnaverat, Arabianus de alia materia, multique alii, de quibus tempus certum non scitur, alia opera ediderant; omnium vero illustrissimus fuit Clemens Alexandrinus, qui jam anno secundo Severi Imperatoris, Jesu Christi centesimo nonagesimo quarto florebat.

Sæculum II.
A. C. 194.

Euf. ibid.
c. 19.

An. 194.

§. XXXVI.

S. Clemens Alexandrinus.

Vocabatur Titus Flavius Clemens, quem Epiph. hæc. non nulli appellant Atheniensem, ex quo Athenis natum licet conjicere. Erat in litteris humanioribus instructus, in Philosophia præsertim Platonica versatissimus, tandem in sacris Scripturis, & Doctrina Evangelica doctissimus; quantum in his studiis industriam adhibuerit, ipse nos docet, dum in exordio Stromatum suorum ait: *Ut hoc opus scriberem, nullam partem habuit ostentatio. Est re- rum notatu dignarum thesaurus, a me collectus in subsidium meæ senectutis, innocuum oblivionis, aut malitiæ remedium, levis quædam delineatio virorum illorum beatorum, omnium memoria dignissimorum,*

1. Strom. p.
274. ed. 1641.

Tt 3

quo-

Sæculum II.
A. C. 194.

v. Valer. ad
Euf. V. hist.
c. II.

quorum sermones vita & spiritu animatos
audiendi fors benigna mihi obtigit. Unius,
qui erat Jonius, in Græcia auditor fui, al-
terius in Italia, tertii Magistri fui Disci-
pulus in Syria, & quarti in Ægypto;
alios duos auscultavi in Oriente, Assyrium
unum, alterum Palæstinum origine He-
bræum; cum in alium, qui ultimus fuit,
incidissem, in Ægypto mansi, in omnem
ejus vitæ Doctrinæque rationem intentus,
nescientis se a me observari. Vir ille, in-
dustriosæ api similis, quasi flores ex prato
Apostolorum, & Prophetarum exsugens,
in auditorum suorum mentibus inæstima-
bilem scientiæ thesaurum produxit. Hi
veræ Traditionis ter felicem Doctrinam,
immediate ab Apostolis Petro, Jacobo, Jo-
anne, & Paulo, sicut filius Parentis monita
auscultat, acceptam conservarunt. Pauci
parentibus suis similes sunt. Illi autem
viri ad nostra usque tempora Divino con-
silio reservati sunt, ut nobis scientiæ Di-
vinæ semina concrederent; & scio, jucun-
dum ipsis futurum, si hic dicta sua non ex-
plicata, sed tantum adnotata videant, po-
sterorum utilitati consecranda. Ego enim
existimo, votum animæ perpetuitatem
sanctæ Traditionis desiderantis fuisse ex-
pressum, cum dictum est: Filius sapiens,
gaudium Patris! Haftenus S. Clemens
Alexandrinus.

Ulti-

Sæculum II.
A. C. 194.

Ultimus Magistrorum suorum, cuius eloquentia captus in Ægypto hæsit, Pantenus fuisse creditur; id certum, quod Panteno successerit in schola Alexandrina, in qua præcipua erat cura Catechumenos instruere. Erat noster Clemens Sacerdos, cui Alexander Episcopus Hierosolymitanus, Narcissi Successor, in quadam Epistola ad Ecclesiam Antiochenam tale reddit testimonium: *Hæc vobis scribo, Domini mei fratres! ferente epistolam Clemente Presbytero probatissimæ virtutis viro, quem noscitis, & magis imposte- rum noscetis; postquam providentia, & Gratia Domini singulari hac venit, Jesu Christi Ecclesiæ robur fuit, & augmentum.* Idem Alexander ad Origenem scribens, inquit: *Cum Dei Gratia amicitiam co-* Euf. VI.
lui, & confirmavi a Patribus meis mihi c. 14.
relictam, & commendatam; nam ut Pa-
tres reveoreor illos Sanctos, qui nos præcesse-
runt, & quos brevi sequemur; Beatum
inquam Pantenum Dominum meum, & S.
Clementem, qui fuit Dominus meus, cui
tot Beneficia in acceptis refero.

Clemens multos illustres habuit Discipulos præter dictum Alexandrum, & Origenem, qui ei in munere docendi successit. Multos scripsit libros, & in totam S. Scripturam a capite usque ad calcem commentatus fuisse dicitur; quæ nobis de ipsius operibus supersunt, sunt sequen-

Tt 4

tia:

Sæculum II.
A.C. 194.

*Clem. Alex.
Pædag. II.
c. 10. & III.
c. 8. Cassiod.
præfat. inst.
div. Lect.*

tia: Exhortatio ad Gentiles, Pædagogus, Stromata, & parvus tractatus: quis est dives, qui salvabitur; Exhortatio ad Gentiles hinc ostendit Religionis Christianæ excellentiam, quæ in ratione, & virtute consistit, inde Idololatriæ abjectionem; ejus detegit originem, fabularum falsitatem, & pudendam, quæ sub Gentilium Mysteriis profanis latebat, turpitudinem, eaque membratim explicat. Gravissimum conversionis Paganorum impedimentum erat illa objectio, nempe omnium Gentium Deos colentium mos, hanc objectionem Clemens diluit, & tandem in forti charitate Gentiles, ut in Jesum Christum credant, & Legem ejus amplectantur, invitat. Hæc oratio textibus Poetarum referta est, quos Clemens ideo accumulasse videtur, ut non solum propriis eorum scriptoribus convinceret, sed etiam dictis, & scriptis, quibus ipsi familiariter assuevissent, alliceret. Hoc opus singulari elegantia concinnatum est.

§. XXXVII.

Clementis Alexandrini Pædagogus.

Pædagogus, est totius Philosophiæ moralis Christianæ compendium, in usum Catechumenorum potissimum conscriptum, horum enim instructio Clementi incumberebat. Hujus scripti finis est, Catechumenorum passiones sopire, præ-

*Strom. 1.6.
p. 616.*

VOS